

دهده قورقود ۱۱

ادبی مجله

نمی ایل، اون بیرینجی نمره بیر ی ۵ نومن آیلیق مجله ۳۹-۴۰-۶۰

آیلیق مجله ۳۹-۴۰-۶۰




کور اوغلو (تورک خلق نین قهرمان اوغلو)



علیرضا دیشی

طاماح دیشی

حکایه



۱۴۸۱

طاماح دیشي

" حنکايه "

گون اوگون دئیل آما آلاه همان آلاه دیر. آخسام
چاغي ایدی. سس - کوي قهوه خاناني بوروموشدو. بيري کسیردي بيري
بیچیردي. داهادوغروسو تازا آنلامیشدیق کي بو اوچ آیدا قیلدیغیمیز
نامازلارین هئچ بيري قبول اولمايیب. «مشهدی احمد» ین سسي
گره نی کیمی بؤرولدوردو. یئر - گویه یامان دئمکدن یورولموردی. جماعتین
هامی سین تقصیرکار بیلیم گناهلارین هامی سین دا بیخیردی بیزیم بوینوموزا.
دوزنه باخسایدیق اوندادا گناه یوخ ایدی. «مشهدی احمد» ین اولدنده ائله
بو ایشه راضی چیلیقی یوخ ایدی. دوزو هئچ بیزلرده گناه صاحبی
دئیلدی. ایش ایدی اولموشدور. بیز هاردان بیلیردی کي ایش بوزا
یئتیره جک دیر. آما «مشهدی احمد» دئیهن کیمی بیز اولدنده ائله گرک
طاماح دیشي میزي چکیب آتاردیق. «حاج حسین آغا» کي ایچری گیردی
های کویدن آزالدی. بو ایشه اگر بیر چاره قیلان اولسایدی اودا ائله
«حاج حسین آغا» ایدی. «حاج حسین آغا» نین رحمتلی آتاسی دا ائله
آغزی کسرلی ایتی بیر آدام ایدی. «حاج حسین آغا» توتون کاغاذ چیخاردیب
بیرجیغالا یان دیرارکن اوزونو خلقه توتوب دئدی: - «دوز دورکي ایش دی اولوب
کنچیب. آما بیزده ائله یه بیلمه ریق کي آلاه تعالانین شرعیندن
اوزدؤنده رک. «مشهدی احمد آغا» نین بو یوردوغو کیمی منیمده نظریمه
بئله گلیرکي گلین بیر پول بیغاق و او خارابانین پولون «قُلی خانا»

وئرمك ايله داها بوندان چوخ معصيته باتماياق و جاناسينه ر اوردان
استفاده ائلي ياق...»

آزجا صورنا ائلده بو ايشه راضي چيليق ائديب قرار
اولدو صاباحدان ائو حسابي پول ييغيب «قلي خان» وئرمك ايله حلالليق
آلاق.

ايكي - اوچ گونه پوللار ييغيلدي. گون اوگون اولدي كي بئش
آلتي نفر ييغيشيب يولا دوشدولر. آلا - آلا ائيرديك كي بلكه
تئزليكله «قلي خان» دان حلالليق آليب بو نئجه آيدا قيلديغيميز نامازلارين
هئچيري هئجه گئتمه سين. هئي اوره گيميزده دئيرديك كي: «ايندي بلكه
گلدی حلالليق وئرمه دي، اوندانئيله مه لي ييق؟!» بو نگران چيليق لار بير
ياندان، تازا بوي - باشا چاتميش بئيني پوف جاوانلارين حرصيه بير
ياندان، جاوانلار غضبله دئيرديلر: - عاقليزا دعا يازسينلار سيزين او!
ديلسيز آياقسيز پوللاري آپاريب گور كيمين جيبينه توكورلر...» البته
اونلاردا گناه يوخ ايدي. اربابدان هئچ بيزمده خوشوموز گلмирدي. هله
سگگيز دوققوز آي بوندان قاباق ايدي كي اربابين آداملاري تورپاق اوسته
ويريب منيم باشيمي چاپميشديلار. آما نئيله مك. الحمد لله كي بو قدر
كندلرين ايچينده بيزم كندايدی كي شانس گتريب ائله يه بيلميشدي
يئرلري بولوب اربابلاردان آلسين. منيم كي ازلدن بير قاريش يئريم يوخ ايدي و
او بونون يئرين اكمگدن آزقالا جانيم چيخيردي، ايندي گئنه بير
قاريش تورپاق صاحابي اولموشام كي اوزوم اوز آغام اولام. آما بو ايش او
ايشلره بنزه مر. دنيا ائله بو دنيا دئييل كي! آلاهي دا آدام گرگ ئوز
باشي اوستونده گوره... گون آز قاليردي باتاكي حاج حسين آقا گيل
يئتيرديلر. قولايغيميز سسده ايدي كي گوره ك نه اولوب. «حاج حسين آقا»
ماشيندان كي اندي اول ايش كي گوردي آليني داز باشينا كي قارا - بير
ايب بورك آلتيندا گيزلنميشدي چكيب غرور حسي ايله ظفر چالماقلارين و
حلالليق آلماقلارين آيدين لاتدي.

هامي ميز شنليڪ ائديب سئوينجڪ حماما ساري
يوللانديق. داها آلاهي ميز وئرميشدي. بو گوند بري غسل لار و
نامازلاريميزين هاميسي قبول ايدي. آخي حمامين يئرين انقلاب دان صونرا
كندين اربابي «قلي خان» دان مصادره ائتميشديق كي ايندي او يئرين
پولونو وئرب «طاماح ديشي» ميزي چكميشديڪ.

1359

zihagh@yahoo.com

This document was created with Win2PDF available at <http://www.daneprairie.com>.
The unregistered version of Win2PDF is for evaluation or non-commercial use only.